



## RESOLUCIÓN DA DIRECCIÓN XERAL DE FORMACIÓN PROFESIONAL POLA QUE SE CONVOCA, CON CARÁCTER EXTRAORDINARIO, A PROBA ESPECÍFICA DE ACCESO AO NIVEL I DE GRAO MEDIO DAS ENSINANZAS CONDUCENTES Á OBTENCIÓN DO TÍTULO DE TÉCNICO DEPORTIVO NA MODALIDADE DE FÚTBOL NO CENTRO AUTORIZADO DE ENSINANZAS DEPORTIVAS CEN TED DE OURENSE.

Pola *Orde do 19 de xaneiro de 2017* (DOG do 7 de febreiro) autorízase ao centro autorizado de ensinanzas deportivas Cened do Pereiro de Aguiar a apertura e funcionamento para impartir as ensinanzas de Técnico deportivo e Técnico deportivo superior en fútbol, reguladas no *Decreto 353/2003, do 11 de setembro* (DOG do 26 de setembro) e no *Decreto 372/2003, do 16 de setembro* (DOG do 17 de outubro); ensinanzas incluídas no ámbito do *Real decreto 1363/2007, do 24 de outubro* (BOE do 8 de novembro).

Con data de rexistro do 21 de febreiro de 2025, o director do Centro Autorizado de Ensinanzas Deportivas Cened de Ourense solicitou autorización para a realización dunha proba extraordinaria de carácter específico de acceso ao nivel I de grao medio de Técnico deportivo na especialidade de Fútbol perante esta Dirección Xeral de Formación Profesional.

Considerando que, unha vez finalizado o prazo de inscrición nas probas ordinarias de acceso ás ensinanzas deportivas, establecidas na *Resolución do 9 de abril de 2024* (DOG do 7 de maio de 2024), da *Dirección xeral de Formación Profesional, pola que se convocan probas de acceso ás ensinanzas deportivas para o curso 2024/25*, dito centro dispón de vacantes e conta cun número considerable de persoas aspirantes para cursar estas ensinanzas.

Tendo en conta a flexibilidade na oferta educativa de ensinanzas deportivas recollida na normativa, e co fin de non causar prexuízo ao alumnado que desexa cursar estudos en dito centro, esta dirección xeral RESOLVE convocar, con carácter extraordinario, a proba de carácter específico de acceso ao nivel I de grao medio de Técnico deportivo de Fútbol, que se realizará de acordo ao seguinte:

-O tribunal avaliador constituirase nalgún día anterior a data do exame, reunirse outro día para a preparación do exame e das instalacións onde se realizarán as probas, e reunirse nalgún día posterior a data do exame para rematar a avaliación e resolver as reclamacións, se as houberse.

- A proba terá lugar no **Campo de Fútbol, " O Xeixo Santa Cruz de Arrabaldo na rúa Os Casares, 4, CP: 32990- Ourense, o día 21 de marzo, venres, ás 10:00 horas.**
- So poderán inscribirse na proba específica as persoas aspirantes que reúnan os requisitos académicos establecidos para poder cursar estas ensinanzas (*Resolución do 9 de abril de 2024*).
- A inscrición para a realización da devandita proba deberá formalizarse na secretaría do CIFP A Farixa (Rúa das Laxas, s/n. 32005, Ourense) ata o **13 de marzo**, presentando a documentación establecida na citada *Resolución do 9 de abril de 2024*.
- As persoas aspirantes deberán aboar os prezos públicos de acordo co establecido no *Decreto 89/2013, do 13 de xuño*, para este tipo de probas.



- A listaxe provisional das persoas admitidas publicarase o **14 de marzo** no taboleiro de anuncios e na páxina web do CIFP A Farixa de Ourense.
- As reclamacións á listaxe provisional das persoas admitidas e a entrega da documentación que se lles requira aos/ás aspirantes realizarase **ata o día 18 de marzo** a través da secretaría do citado CIFP.
- A listaxe definitiva das persoas admitidas publicarase o **19 de marzo** no taboleiro de anuncios e na páxina web do CIFP A Farixa de Ourense.
- A listaxe provisional de cualificacións das persoas aspirantes publicarase o día **24 de marzo** no taboleiro de anuncios e na páxina web do CIFP A Farixa de Ourense.
- As reclamacións á listaxe provisional de cualificacións realizaranse **ata o día 27 de marzo** a través da secretaría do citado CIFP.
- A listaxe definitiva das cualificacións das persoas aspirantes publicarase o día **28 de marzo** no taboleiro de anuncios e na páxina web do citado CIFP.
- O tribunal de avaliación terá a categoría cuarta, e as persoas que o integran percibirán as correspondentes compensacións económicas polas actividades realizadas, conforme ao disposto no *Decreto 144/2001, do 7 de xuño (DOG do 25), sobre indemnizacións por razón do servizo do persoal con destino na Administración autonómica de Galicia*, ou norma que o substitúa.
- A proba será administrada, avaliada e cualificada por un tribunal que estará integrado polos seguintes membros:
  - Presidente: Marcos Antonio Fernández Álvarez
  - Secretario: Miguel Aragón Fitera
  - Vogal titular: David Vázquez Diéguez
  - Vogal suplente: Noelia Aparicio Martínez

Santiago de Compostela, na data da sinatura dixital

A directora xeral de Formación Profesional

M<sup>a</sup> Eugenia Pérez Fernández

